



Broj: 02-04-103/24-AP-2

Datum: 17.01.2024. godine

Na osnovu člana 10. i 15. Privremene Statutarene Odluke Grada Zavidovići („Službeni glasnik općine Zavidovići“, broj: 4/2022), člana 72. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Gradsko vijeće Zavidovići, na ___ . sjednici održanoj dana ___ . ___ .2024. godine, donijelo je

O D L U K U

o raspisivanju izbora za članove Savjeta mjesnih zajednica na području Grada Zavidovići

Član 1.

Raspisuju se izbori za članove Savjeta mjesnih zajednica „Asim Čamdžić“, „Klek“, „Branioci grada“, „Dubravica“, „Dolina – Alići“, „Pašin Konak“, „Mećevići“, „Vožuća“, „Ribnica“, „Maoča“, „Rujnica“, „Kovači“, „Brezik“, „Krivaja“, „Krivaja – Smailbašići“, „Gostović“, „Donji Gostović“, „Lovnica“, „Mahoje“, „Dolac“ i „Stipovići“.

Član 2.

Izbore za članove Savjeta mjesnih zajednica organizuje i provodi Komisija za organizaciju i provođenje izbora za članove Savjeta mjesnih zajednica koju imenuje Gradsko vijeće (u daljem tekstu: Izborna komisija).

Član 3.

Datum i vrijeme izbora utvrdit će Izborna komisija, s tim da se izbori okončaju u roku do 90 dana od dana donošenja Odluke.

Član 4.

Izbori za članove Savjeta mjesnih zajednica održavaju se po postupku, načinu i pravilima propisanim aktima koju budu na snazi u vrijeme pokretanja izbora.

Član 5.

Izborna komisija utvrđuje izborne rezultate izbora za članove Savjeta mjesnih zajednica, a Izvještaj o provedenim izborima dostavlja Gradskom vijeću.

Gradsko vijeće verifikuje rezultate izbora.

Član 6.

Sredstva za provođenje izbora obezbijedena su Budžetom Grada Zavidovići.

Član 7.

Ova Odluka stupa na snagu prvog narednog dana od dana objave u „Službenom glasniku Grada Zavidovići“.

**PREDSJEDAVAJUĆI
GRADSKOG VIJEĆA**

Admir Fojnica, prof.

O B R A Z L O Ž E N J E

USTAVNOPRAVNI I ZAKONSKI OSNOV ZA UVOĐENJE ODLUKE

U članu 72. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) propisano je:

„Savjet mjesne zajednice biraju građani s područja mjesne zajednice koji imaju opće biračko pravo.

Članovi savjeta mjesne zajednice biraju se neposredno tajnim glasanjem na način i po postupku utvrđenim odlukom Općinskog vijeća.

Odlukom Općinskog vijeća utvrđuje se naročito: mjesto i vrijeme održavanja izbora, organi za sprovođenje izbora, sredstva potrebna za sprovođenje izbora, način utvrđivanja i proglašavanja rezultata izbora, kao i druga pitanja u vezi sa izbornim procesom.“

U članu 24. Zakona o principima lokalne samouprave („Službene novine Federacije BiH“, broj: 49/06 i 51/09) propisano je:

„Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave, koju osniva vijeće, te gradskim četvrtima i drugim oblicima mjesne samouprave, u skladu sa statutom jedinice lokalne samouprave.“

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Dana 30.06.2023. godine u 21 (dvadesetjednoj) mjesnoj zajednici sa područja Grada Zavidovići, istekao je mandat članovima i predsjednicima Savjeta mjesnih zajednica, a što je osnovni razlog raspisivanja izbora za članove Savjeta mjesnih zajednica Grada Zavidovići.

Zbog navedenog se predlaže donošenje ove Odluke.

USKLAĐENOST ODLUKE S KANTONALNIM I FEDERALNIM ZAKONODAVSTVOM

Prijedlog Odluke o raspisivanju izbora za članove Savjeta mjesnih zajednica na području Grada Zavidovići usklađen je sa Zakonom o principima lokalne samouprave i Statutom Općine Zavidovići kada je u pitanju nadležnost Gradskog vijeća Zavidovići za donošenje ove Odluke.

OBRAZLOŽENJE PRAVNIH RJEŠENJA U ODLUCI

U članu 4. Prijedloga oduke o raspisivanju izbora za članove Savjeta mjesnih zajednica na području Grada Zavidovići propisano je da će se izbori za članove Savjeta mjesnih zajednica održavati se po postupku, načinu i pravilima propisanim aktima koju budu na snazi u vrijeme pokretanja izbora. Određivanju akata koji će se primjenjivati u postupku izbora na navedeni način, pristupilo se prevashodno jer je u postupak usvajanja Statuta Grada Zavidovići u toku, te je neizvjesno da li će isti biti na snazi u momentu pokretanja izbora. Zbog toga se u članu 4. nije odredio naziv propisa koji će se primjenjivati na izborni proces.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja poštivanja ove Odluke propisani su Statutom Općine Zavidovići.

OBRAZLOŽENJE FINANSIJSKIH SREDSTAVA ZA
PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke planirana su finansijska sredstva u Budžetu Grada Zavidovići za 2024. godinu.

OPIS KONSULTACIJA VOĐENIH U PROCESU IZRADE ODLUKE

Tokom izrade Odluke vršene su konsultacije Službe za upravu društvenih djelatnosti, pitanja boraca i opću upravu sa Stručnom službom Gradonačelnika i Stručnom službom Gradskog vijeća Grada Zavidovići.

PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik

Obradila: _____
(Selma Džaferović)

Kontrolisao: _____
(Idriz Alihodžić)